

Pedro ohâ mi'taka pũri niî'

A'ti pũri a'tiro weéro ohâ no'opã niisé niî'

Pedro Jona maki Betsaidakî hi wa'í wēhegí niîki niîwī. Kîî nimôtigi niîki niîwī. Ā'ritá Jesuré “Mi'î Ō'âkî hi o'ôo'ki, kîî makí niî'”, niîki niîwī. Jesuré wēhéka terore i'tiáti “Kîî re masí wee'”, niî sooki niîwī. Neê waropita Espírito Santo dihatáka be'ro Jesu Cristore êho peórare si'orí niisétiigi niîki niîwī. Be'ró romano masa wiôgi Nero kîî re Romapi wēhéki niîwī.

A'ti pũrire Pedro Jesu Cristore êho peórã Ásia di'tapi du'tistê wã'ka'kãrãre ohâki niîwī. Apé tero weégi Romapi niîgi, ohâgi ohâpî. Jesu Cristore êho peórã pi'etíkã î'yâgi, âpêrã naãre yã'áro weekã wãkú tutua dutigi ohâki niîwī.

Jesuré êho peórã wa'âste'kãrãre Pedro ohâ'ke niî'

1 Yi'îre Jesu Cristo kîi yeé kitire bu'ê dutigi bese kũwí. A'ti pũri me'ra misãre äyu dutise o'ôo'. Misã Ponto, Galácia, Capadócia, Ásia, Bitínia wamêtise di'tapi Jesu Cristore êho peóse bu'iri âpêrã yã'áro weekã wa'âste wã'ka'kãrãre ohâ'. ²Marí paki Ō'âkî hi diporópi kîî iá'karo nohota maríre kîî pō'rã niíáto niîgi besé tohaki niîwī. Espírito Santo me'ra marí yã'ará niî'kãrãre ðika yuúki niîwī. Maríre kîî makí Jesu Cristo iaró wee dutígi beséki niîwī. Tohó niiká kîî makí kurúsapi wêrîgi ðií a'mã bírose me'ra marí yã'áro weé'kere akobohógi niîgi, beséki niîwī.

Ō'âkî hi misã ehêri pō'rariipi äyuró tí'ó yã'ase, niî pe'tise äyusére o'ô nemoato.

³⁻⁴Ō'âkî hi, marí wiôgi Jesu Cristo pakire “Äyú'” niîrã. Kîî maríre pahã yã'agi, kîî pō'rã sãhakã weéki niîwī. Kîî makí Jesu Cristo wêrî'kipire masó'ke me'ra marí too dipóro yã'áro niiséti'kere akobohóki niîwī.

Teeré weégi, maríre opãturi bahuá apo'kãrãre weeró noho weéki niîwī. Ō'âkî hi kîî pō'rãre “Äyú butia'sere o'ôgiti”, niîki niîwī. Kîî o'óatehere marí e'katíse me'ra yuú kuerã weé'. Teeré i'mîsepi kio yuú tohasami. Kîî o'óatehe a'ti nukúkãhase weeró noho pe'tí, boásome. Niî nu'kukã'rosa'.

⁵Marí Ō'âkî hire êho peó yuukã, kîî tutuaró me'ra maríre ko'têsami. Jesu Cristo opãturi a'ti nukúkãpire a'tígi, niî pe'tirã î'yóropi “Árã yi'î yí'ri'ókãrã niíma. Yi'î me'ra nií nu'kurásama”, niî î'yogísami.

⁶A'ti nukúkãpire niîrã, marí pi'etí ni'irã weé' yuhûpi. Tohó pi'etímírã, i'mîsepi Jesu Cristo maríre o'óatehere wãkúrá, e'katí yuurã. ⁷Marí Jesu Cristore êho peóse ouro besesé weeró noho niî'. Masã ourota niíti' niîrã, pekã me'e bu'ipi asipó peosama. Sipí pehaka be'ro yã'asé marari î hî

pe'ti diha wa'ása'. Áyusé ouro di'akī tohása'. A'té weeró noho maríre Jesu Cristore diakī híta ého peómiti naa? níro, yá'áro wa'ása'. Marí yá'áro yí'rírā, tee marāri í hí pe'ti'karo weeró noho yá'asére weé du'usa'. Tohō niiká Jesu Cristore ého peó nemosā'. Kīíre ého peó du'utikā í'yārā, masā diakī híta maríre kīíre ého peóma, ní í'yārāsama. Ouro wapa bihí ní'. Wapa bihímiro, pe'tiá wa'ása'. Marí Jesu Cristore ého peóse ouro nemoró wapatí'. Tee pūríkā neé pe'titisa'. Tohō weégi Jesu Cristo maríre opāturi a'ti nukúkāpire a'tigi, “Yííre áyuró ého peówí”, niígisami.

⁸⁻⁹Misā Jesu Cristore a'ti nukúkāpi niiká í'yātí'kārā nímirā, kīíre ma'í'. A'tóka terore kīíre í'yātimirā, ého peó'. Misā kīíre ého peókā, misāre pekā me'epi wa'á boo'kārāre yí'riká weegisami. Tohō weerā misā Ó'ákí hi tiropi wa'aátehere wākūrā, pūuro e'katí'. De'ró ní werē nemo boosari? Werēta basió wee'.

¹⁰Diporópi Ó'ákí hi yee kiti werē mi'tarā a'tíro níikārā níwā: “Ó'ákí hi masā yá'áro weé'kere akobohó, naāre yí'riógisami”, níikārā níwā. A'teré werémirā, naā basi weresére tí'o masitikārā níwā. Tohō weerā teeré masí sí'rírā, ípíti bu'ê wākū nírikārā níwā. ¹¹Espírito Santo wee tamúse me'ra a'tíro werē yuukārā níwā: “Masaré yí'rioákíhi pūuro pí'etí wérígisami. Wérí'kipi níimigi, masagisami. Kíí masáka be'ro í'mísepi mihā, kíí paki tíró wiógi duhirí kumuro diakí hí pe'e duhígisami.” Espírito Santo tohō níisere tí'órā, Ó'ákí hi yee kiti werē mi'tarā “De'ró niiká, noaré tohō wa'árosari?” níirā, pūuro masí sí'rikārā nímiwā. ¹²Ó'ákí hi naā masí sí'rikā í'yāgi, naāre a'tíro werēki níwí: “A'te kiti misā níirí kurare wa'ásome yuhūpi. Be'rokāhārāpi a'teré í'yārāsama”, níiki níwí. Naāre teeré werē yuugi, marí a'tóka terokāharā pe'ere werēgi weéki níwí. Tohō weégi Ó'ákí hi a'tóka terore a'tíro weemí maha. Espírito Santo í'mísepi níigire kíí yee kiti wererā me'ra misāre werē dutigi o'oo'ki níwí. Naā Espírito Santo tutuaró me'ra teeré a'tíro werēma. “Jesu Cristo a'ti tohaki níwí. Maríre yí'rió'ki níimi”, níima. Ó'ákí hire werē ko'terā í'mísekāharā kē'ra masaré yí'riósere “De'ró ní butia'ti?” níí masí sí'risama.

Ó'ákí hi maríre yá'asé mariró níisėti dutise níí'

¹³Ó'ákí hi maríre ma'ígi, yá'áro marí weé'kere akobohó tohaki níwí. Tohō weerā misā weeátehere áyuró wākū yuuya. Misā yá'áro weé sí'risere weetíkā'ya. Wākū tutuaya. Ó'ákí hi áyuró weégi, maríre Jesu Cristo opāturi a'ti nukúkāpi a'tiká kīí o'oátehere pūuro wākū níriya. Teeré wākūrā, e'katíse me'ra ko'tēya. ¹⁴Wi'marā áyurā naā paki simiá dutisére áyuró yí'tisamā. Naā weeró nohota misā kē'ra marí paki Ó'ákí hi dutisére áyuró yí'tiyā. Misā too diporópi Ó'ákí hire masítirā, yá'áro íari pahasere weékārā níwí. Ní'károakāre misā yá'áro íari pahasere du'úkā'ya maha. ¹⁵A'tíro pe'e weesétiya. Ó'ákí hi maríre besé'ki yá'asé moogí níimi. Tohō weerā marí yá'asé marirā níiró íá'. ¹⁶Ó'ákí hi yee kiti ohāka pūripí a'tíro ohā no'okaro níwí: “Yíí áyugi, yá'asé moogí níí'. Tohō weerā misā kē'ra yá'asé marirā níisétiya”, níiki níwí Ó'ákí hi.

¹⁷Misā Ó'ákí hire sērírā, kīíre “Pakí” níisa'. Kíí níí pe'tirāre ní'káro noho marí weé'ke níkire bese bírógisami. Neé ní'kiré dí'asomé. Tohō weerā misā a'ti ímí kohopire katiró pōo téoro Ó'ákí hire wio pesāse me'ra tí'ó yá'aya. ¹⁸Misā yēki simiá níisėti'karo noho wee sirú tuu mihati'ke wapa marí'karo níwí. Teé wapa marísere kō'āgi, Ó'ákí hi yí'rióki níwí. Misā a'tíro masí'. Kíí maríre bu'firi da'rē boo'kere wapa yeé wírogi, pe'tisé

noho me'ra, ouro, niyêru me'ra wapa yeétiki niŵi. ¹⁹A'tiro pe'e weéki niŵi. Kîî makî Jesu Cristo kîî ipíti ma'igí wêrîgi díi a'mâ bírose me'ra marîre yi'rióki niŵi. Ísâ Judeu masa yêki simiápia naâ yâ'âro weé'ke wapa Ô'âkî hire akobohóse sêrîrâ, a'tiro weékârâ niŵâ. Ovelha dohôri wi'i niítigire, kamî marigîre, niî pe'tiro kîî ipí ayugîre wêhé, Ô'âkî hire í há morokârâ niŵâ. Kîî, ovelha ayugí niî'karo noho Jesu Cristo ayugí waro, yâ'asé moogí niîmi. Kîî wêrîgi díi a'mâ bírose me'ra marî yâ'âro weé'kere yi'rióki niŵi. ²⁰Ô'âkî hi a'ti imí koho weeátoto díporo “Yí'î maki masaré yi'riógisami”, niî besé tohaki niŵi. Tohô besemígi, maata o'ôotiki niŵi. A'tóka teropi mari yeé niíátehere yi'rioákihire o'ôo'ki niŵi. ²¹Jesu Cristo wêrisé me'ra Ô'âkî hire êho peó no'o. Kîî Jesu Cristore wêrî'kipire masóki niŵi. Masó, i'mîsepi kîîre mii miháki niŵi. Toopí kîîre wiógi sôróoki niŵi. Marîre êho peó dutigi tohô weéki niŵi. Tohô niiká marí i'mîsepi wa'aátehere e'katíse me'ra yuú kue dutigi tohô weéki niŵi.

²²Misâ diakî hí niisére yi'tîrâ, Jesu Cristore êho peórâ weékârâ niŵi. Kîîre êho peórâ, misâ yâ'âro weeséti'kere du'úkârâ niŵi. Tohô weerâ misâ ni'kâroakâre bu'firi marirâ niî'. Misâ ni'kí pō'ra weeró noho a'mêri ma'í. A'mêri ma'îrâ, bu'íkâhase uúkuse me'ra di'akî ma'itík'ya. Niî pe'tise misâ weesé me'ra pe'e ma'iyá. ²³A'tiro niî'. Ô'âkî hi uúkuse niî nu'kukâ'rosa'. Marî teeré êho peórâ, kîî pō'râ sâháakârâ niŵi. Tohô weerâ opâturi bahuá apo'kârâ weeró noho niî'. Marî paki simiá boâ dihasama. Marî opâturi bahuá aporâ, naâ boâ diharo weeró noho wa'ásome. Ô'âkî hi pō'ra sâhárá pe'e, kîî me'ra katî nu'kukâ'râsa'. ²⁴Ô'âkî hi yee kiti ohâka pûripi a'tiro ohâ no'okaro niŵi:

Taâ yâi wêri pe'tia wa'ása'. Masá kê'ra tohôta niî pe'tirâ wêrîrâsama. O'ôri kê'ra ayusé niîmiro, boâ dihasa'.

Masá kê'ra pehé kiorâ, wiôrâ niîmi'kârâ wêrîrâsama.

²⁵Naâ kiosé kê'ra pe'tirôsa'. Ô'âkî hi uúkuse pûrikâ neê pe'tisomé.

Niî nu'kukâ'rosa', niî ohâ no'okaro niŵi.

Misâre tee kitîre âpêrâ werêkârâ niŵâ. Naâ wereséta ayusé, neê pe'titíse kiti niî'.

2 Misâ Ô'âkî hi pō'ra niî'. Tohô weerâ niî pe'tise yâ'asere du'úkâ'ya.

Âpêrâre niî sootikâ'ya. Wee sootikâ'ya. Âpêrâ yeere iotík'ya.

Uukahátikâ'ya. ²⁻³Misâ Ô'âkî hi ayugí niîmi niisére masî tohasa'. Tohô

weerâ wi'mará neê bahuárâ naâ pakó ôpekóre ipíti mi'rî sî'rîrâ weeró

noho weeyá. Ô'âkî hi yee ayusé kitire ipíti ti'sasé me'ra ti'ó sî'riya.

Wi'mará naâ pakosá numia yee ôpekóre mi'rîrâ, i'yo duárâ wa'ásama.

Ô'âkî hi uúkuse wi'magí pako ôpekó weeró noho niî'. Teé diakî hí weré

me'riká'. Marî teeré wâkú nu'kurâ, kîîre êho peó tutua nemorâsa'. Kîîre masî nemoato niîgi marîre yi'rióki niŵi.

Jesu Cristo í tâga wi'í yeé ni'kakaha weeró noho niîmi niisé niî'

⁴Misâ Jesu Cristore êho peó'. Tohô weerâ kîî me'ra ayuró niisétiya.

Kîî katígi, marîre kîî me'ra katiká weemí. Kîî niî nu'kukî'sami. Âpêrâ

kîî reta teékârâ niŵâ. Naâ teemíkâ, kîî pakí Ô'âkî hi pe'e kîîre “Ayú

yi'rîgi niîmi”, niî beséki niŵi. Besé toha, kîîre wiógi sôróoki niŵi.

⁵Misâre ayuró masî dutigi a'tiro werêgiti. Ô'âkî hi í tâ peeri me'ra ni'ká

wi'í ayurí wi'í weégi weeró noho weesamí. Í tâga ayukahá me'ra yeé

ni'kasami. Tutuarí wi'í niíáto niîgi tohô weesamí. Jesu Cristota kîî neê

waro wi'f yeê ni'kaka i tâga weeró noho niigi ními. Marîpia apêye naâ yeê turia mihase weeró noho nií'. Marî nií pe'tirã ni'kãro me'ra Ô'ãkî hi kîî weêka wi'f weeró noho nií'. Tohô weerã kîî yarã waro niîrã, Jesu Cristo wee tamúse me'ra sacerdotea weeró noho Ô'ãkî hi yeere da'ra masi'. Áyuró weerã, âpêrã yee niíatehere sêri basá masi'. Tohô niiká Ô'ãkî hire "Áyú" nií masi'. Marî tohô weekã i'yãgi, Ô'ãkî hi e'katísami. ⁶Diporókãharãpi kê'ra teekãhãse Ô'ãkî hi kîî uúkú'kere a'tíro ohãkãrã niíwã:

Ni'kã wi'f, wi'f Jerusalépire weegíti. Tií wi'ire weégi,
ni'kãga i tâga áyukahãre besegíti. Tutuarí wi'f wa'aáto
niigi tigã me'ra ni'kagíti. Yi'f i tâgare uúkúgi,
yi'f maki pe'ere wamê peogi weé'. Kííta ními yi'f beséki.
Yi'f i'yakã, áyú yi'riagi ními. Kííre êho peórã pũuro
e'katírãsama. "Mehô warota êho peókãti", níisome,
nií ohãkãrã niíwã Ô'ãkî hi yee kiti werê mi'tarã.

⁷Misã Jesu Cristore êho peórã áyuró e'katíse me'ra kííre tí'ó yã'asa'. Ápêrã pe'e kííre êho peóti tíharã, misã weeró noho tí'ó yã'atisama. Mehô niigíre weeró noho tí'ó yã'akã'sama. Ápêrã Ô'ãkî hi yee kiti werê mi'tarã a'tíro ohãkãrã niíwã taha:

Masã i tá me'ra wi'f weerã tirã ni'kãgare naâ iatíkahare, kô'ásama.
Naâ kô'ákaga me'ra âpêrã pe'e tutuarí wi'f weesamã.
Tigã marikã maa, wi'f yeéya mari boópã.

A'té a'tíro nií s'i'rriro weé'. Wiðrã Judeu masa tigã i tâgare weeró noho Jesu Cristore iatíwã. Naâ iatímikã, kîî pakí Ô'ãkî hi pe'e kííre beséki niíwí. Besé, kííre wiðgi söróoki niíwí. Kíí marikãre, marî Ô'ãkî hi põ'ra sãha masíti boopã. ⁸Apêye ohã nemokãrã niíwã taha:

Ô'ãkî hi kîî besékaga i tâgapi masã pi'ã tuu, birí ke'arãsama.

A'té a'tíro nií s'i'rriro weé'. Jesu Cristore Ô'ãkî hi beséki niíwí. Tigapí pi'ã tuu, birí ke'a'karo weeró noho Jesu Cristore êho peótiã bu'fri da'rê no'orãsama. Too dipóropita maata Ô'ãkî hi kîî makiré êho peótiã tohô wa'árãsama, nií tohaki niíwí.

⁹Marî püríkã naâ weeró noho nií wee'. Ô'ãkî hi kîî yarã niíáto niigi maríre beséki niíwí. Tohô weerã marî wiðgi yarã sacerdotea weeró noho kîî yeere da'rará nií'. Ô'ãkî hi maríre kîî yã kurakãharã sãhakã weéki niíwí. Yã'asé mariró niisétikã weéki niíwí. Diporópi Ô'ãkî hi kîî yarã masã Israel kurakãharãre yi'f werê'ke peheré weéki niíwí. Misã Jesu Cristore êho peórã nií'. Tohô weégi misãre meharóta weemí. Ô'ãkî hi maríre áyuró weé'kere âpêrãre werê dutigi tohô weemí. Ô'ãkî hi áyú yi'riagi marí yã'áro weé'kere akobohómi. Akobohó, na'f tí'aropi nií'kãrãre maríre yi'riómi. Tohô weerã ni'kãroakãre kîî põ'rá bo'rê yuuropi niírã weeró noho nií'. ¹⁰Diporópi ni'kí Ô'ãkî hi yee kiti werê mi'tagi a'tíro niíki niíwí: "Ô'ãkî hi pãharã Judeu masa niítirãre yi'riógisami." Tohô weerã misã too dipóropire Ô'ãkî hi põ'ra meheta nií'kãrã nií ni'iwí yuhûpi. Ni'kãroakãre kííre êho peóka be'ro kîî põ'rá nií' maha. Ô'ãkî hire misã êho peoátoho diporo kîî misãre ma'isére, kîî pahã yã'asere masítikãrã niíwí. Ni'kãropita a'teré masi' maha.

Pedro Jesu Cristore êho peórãre "A'tíro weeyã" niisé nií'

¹¹Yi'f misãre pũuro ma'ísa'. Ni'kãroakã yi'f wereátehere misã weekã iása'. Marî a'ti nukúkãpire siharí masa nií'. Marî niíátoho waro i'mãsepi nií'. Toopí nií nu'kukã'rãsa'. Tohô weerã marí yã'áro weé s'i'risere

weetíkārā. Marí yā'áro weé sī'rise āyuró weé sī'rise me'ra a'me kēése ní'. Teé yā'áro weé sī'rise āyuró weesé pe'ere ka'mú ta'a sī'risa'. Ô'âkî hi pe'e marîre āyuró weeká iasamí. ¹²Misâ Jesu Cristore êho peotîrā wa'teropî nîsa'. Kîîre êho peóse bu'iri misâre “Yā'ará nîuma”, nîi uukahásama. Misâ naâ wa'teropîre āyuró niisétiya. Tohó weeká, naâ tohó uukahámîrā, misâ āyuró weesétisere î'yârasama. Teeré î'yârā, siâpe me'ra pâhará Jesu Cristore êho peorásama. Tohó weerā kîî opâturi a'tiká, misâ weeró nohota naâ kē'ra Ô'âkî hire “Mî'î āyugí, tutuagí nîi”, nîi êho peorásama.

¹³⁻¹⁴Marí wiôgi Jesu Cristore êho peorā nîi tîharā, a'tîro weeró íá! A'ti di'takî hi wiôgi waro, kîî dokakāharā wiôrā, tohó niiká nîi pe'tîrā a'ti nukúkākāharā wiôrā dutisére yî'tîrô íá! Wiôgi waro kîî dokakāharāre yā'áro weerāre bu'iri da'rê dutisami. “Āyuró weerá pe'ere 'Misâ āyuró weepî' nîiya”, nîisami. ¹⁵Ô'âkî hi misâ āyuró weeká iasamí. Tohó weeká, âpêrā misâre uukahámî'kārā mehô warota uukahá ma'akārāsama. Ô'âkî hi misâ āyuró weesé me'ra naâ uukahá ma'a'kārāre, ti'o masítîrāre di'ta maríkā weeká iasamí.

¹⁶Ô'âkî hi marîre yî'riô tohaki nîiwî. Tohó weerā yî'riô no'o'kārā weeró noho weesétîrā. A'tîro wākûtîkārā. “Yî'î âpêrā dutisé doka nîi wee! Tohó weégi yî'î iaró weegîti”, nîitîkārā. A'tîro pe'e weerā. Ô'âkî hire ma'í, kîî iaró weerá. Yā'asere weetíkārā. Da'rā ko'terā naâ wiôgi dutisére āyuró yî'tîrā weeró noho marí kē'ra Ô'âkî hi dutisére yî'tîrā. ¹⁷Dîka waáro marîró nîi pe'tîrāre nî'kâro noho î'yârā. Jesu Cristore êho peorāre ma'îrā. Ô'âkî hire nîkî î'yase me'ra êho peorā. A'ti di'takî hi wiôgire wio pesáse me'ra ti'ó yā'arā.

Jesu Cristo pi'etîgi nî'ká'karo noho marîre nî'ka dutîse nîi'

¹⁸Misâ nî'karērā âpêrāre da'rā ko'terā nîisa'. Misâ wiôrāre êho peóya. Nîi pe'tîrā naâ dutisére yî'tiyá. Misâre āyuró weerá di'akîre yî'titîkā'ya. No'ó yā'áro weerá kē'rare yî'tiyá. ¹⁹Apé tero misâ āyuró weemîkā, misâ wiôrā bu'iri da'rê boosama. Naâ tohó weeká, misâ Ô'âkî hire êho peósere î'yórā, naāre ye'sûtîkā'ya. Tohó weeká, misâre Ô'âkî hi “Āyuró weemá”, nîi î'yâgisami. ²⁰Misâ yā'áro weéka be'ro maa misâre bu'iri da'rêrā, keoró weerā weemá. Misâ naâ bu'iri da'resere nî'kārā, “Āyuró weerā, nî'ká'”, nîitîkā'ya. Misâ tohó nî'kasé wapa marí! Misâ yā'áro weé'ke wapa keoróta bu'iri da'rêrā weesamá. Misâ āyuró weéka be'ro naâ yā'áro weeká, nî'kayá. Tohó weesé pe'ere Ô'âkî hi “Āyuró weemá”, nîi î'yâgisami. ²¹Ô'âkî hi misâ āyuró weemîkā, misâre yā'áro weesere nî'ka dutîgi kûtki nîiwî. Jesu Cristo maríkā marîre yî'riôgi, pi'etî, wêrîwî. Āyuró weemîkā, kîîre yā'áro weewá. Tohó weégi marí kē'rare kîî weé'karo nohota wee sirú tuúkā iasamí. ²²Kîî neé nî'kâti yā'áro weetîwî. Nîi sootîwî. ²³Kîîre yā'áro buhîkā'kārāre naāre buhîkā' a'metiwî. Kîî pi'etîgi, “Misâre bu'iri da'rêgîti”, nîitîwî. Kîî pakî pe'ere “Yî'î pakî kîî iaró, keoró yā'áro weerāre bu'iri da'rêgisami”, nîiwî. Tohó weégi kîî yeé nîiátehere kîî pakîpîre wiawî. ²⁴Kîî basi marí yā'áro weé'ke wapare wapa yeégi kurúsapi wêrîwî. Marí yā'áro weesere du'u dutîgi marîre wêrî basawî. Tohó kîî weesé me'ra a'tîro weewî. Marîre yā'asere siru tuúmi'kārāre āyusé Ô'âkî hi yee pe'ere siru tuúkā weewî. Kîî marîre yî'riôgi, kamî da're no'ó, ipîti pûrisé ti'ó yā'awî. Tohó kîî weesé me'ra marí yā'áro yî'ri boó'kārā yî'riô no'owi. ²⁵Marí a'tîro nîikûmiwî. Ovelha sārîro po'peapi nî'kārā no'ó iaró wihá wā'kasama.

Wihá wã'ka, ì'yâ niritikã, bahu dutiá wa'ásama. Marí naâ weeró noho niikúmiwi. Ni'kâroakãre Jesu Cristore êho peó'. Tohó weérã ovelhare ko'tegí bahu dutí'kãrãre a'mâ, kîî naãre boká'karo weeró noho nií'. Jesu Cristo maríre yã'ãro weerí niígi, maríre ì'yâ niri, ko'tegí niími.

Amúkã di'té'kãrãre dutisé nií'

3¹⁻² Numiã, marãpi simiatirã ãyuró ti'oyá yi'î wereátehere. Misã marapí simia dutisére, naâ iaró weeyá. Ni'karérã misã marapí simia Jesu Cristore êho peótisama. Kîî yeé kitire neê ti'ó sî'ritisama. Tohó weérã tee kitíre werêtimirã, a'tíro pe'e weeyá. Naãre êho peóya. Naâ dutisére e'katíse me'ra weeyá. Misã tohó weeká, naá kê'ra misã ãyuró weesétisere ì'yâ kúu, Jesu Cristore êho peó boosama. ³ Æpêrã, ãyurã niíma, nií dutirã misã ipiré pehé ma'mã su'atikã'ya. Misã ipí bahusé di'akîre wãkú niritikã'ya. ⁴ Misã ãyurã nií sî'rírã, ãyuró bahú sî'rírã, a'tíro pe'e weesétiya. Misã marapí simiare ti'sãropitã naâ dutisére ma'isé me'ra weeyá. Tu'tíro mariró ãpêrãre keoró weé me'rikã'ya. Ehêri põ'ra kari butíro mariró ti'ó yã'aya. A'té ãyuró weesétise pe'tisomé. Misã ipiré ma'mã su'ase pürikã pe'tirósa'. Misã ãyuró weesétikã, Ô'ãkî hi misã me'ra e'katígisami. Misã a'tíro weesé kîî ì'yóropire ãyú butia'se waro nií'. ⁵ Yi'î misãre niíro nohota diporókãharã numia Ô'ãkî hire êho peórã ãyuró weesétikãrã niíwã. Naâ marapí simia dutisére ãyuró yi'tíkarã niíwã. ⁶ Sara diporókõhopi koð marapí Abraão dutisére ãyuró yi'tíko niíwõ. Tohó weégo Abraõore koð wiõgire weeró noho ti'ó yã'ako niíwõ. Misã kê'ra misã marapí simiare ãyuró weeyá. Misã nií pe'tisere ãyuró weérã, tohó niikã uiró mariró niisétirã, Sara weeró noho niírasã'.

⁷ Ni'kâroakãre nimõtírãre werêgiti. Mi'î nimore ãyuró weesétiya. Koõre êho peóya. Koð mi'î weeró noho tutuâtimo. Ô'ãkî hi koó kê'rare pahã yã'agi, mi'î re weeró nohota yi'rióki niíwi. Tohó weégi koõre ãyuró ko'têya. A'tíro weeká, misã Ô'ãkî hire sêrisé neê ka'mú ta'ta basiósome.

A'mêri ãyuró niiséti dutise nií'

⁸ Ni'kâroakãre nií pe'tírãpire werê tiogiti. Ni'kãro me'ra niiséti biroya. Æpêrãre pahã yã'aya. Ni'kí põ'ra weeró noho ma'isétiya. “Ísã ãpêrã yi'rióro nií”, nií wãkútikã'ya. ⁹ Æpêrã misãre yã'ãro weeká, naãre a'metikã'ya. Misãre yã'ãro buhíkã'kã, naãre buhíkã' a'metikã'ya. A'tíro pe'e weeyá. Naãre ãyuró wa'aáto niírá, Ô'ãkî hire sêri basáya. Ô'ãkî hi maríre tohó wee dutísami. A'tíro weeká, Ô'ãkî hi misãre ãyuró weegísami. ¹⁰ Diporópire ni'kí Salmo wamétiri püripire ãyuró niisétisere a'tíro ohãki niíwi:

No'ó misã katirí imî kohore e'katíse me'ra nií sî'rírã,
yã'ãro uúkútikã'ya. Nií sootirãta niíya.

¹¹ No'ó misã yã'ãro weé sî'risere weetíkã'ya.

Ãyusé pe'ere weeyá.

Æpêrã me'ra a'mé tu'titirãta ma'isé me'ra niisétiya.

¹² Æyuró weesétirãre Ô'ãki hi ko'tésami.

Naã kîîre sêrisere yi'tisamí.

Yã'ãro weerã me'ra pe'ere e'katítisami. Naãre bu'îri da'rêsami.

Tohó weérã misã ãyuró niisétiya nií,

Salmo püripire ohã no'okaro niíwi.

¹³ Misã ãyusé di'akîre weesétikã, noã misãre yã'ãro wee boósari? Weetísama. ¹⁴ Misã ãyuró weemíkã, ãpêrã misãre yã'ãro weeká maa,

e'katfya. Ô'âkî hi misâre âyuró weegísami. Tohô weerâ naâ misâre yâ'âro weé si'rikâ, wâkû ke'titikâ'ya. Naâre uítikâ'ya. ¹⁵ A'tîro pe'e wâkûya. "Jesu Cristo nií pe'tirá bu'ipi ísâ wiôgi niími", nií êho peóya. No'ó misâre âpêrà "De'ró weerâ Jesu Cristore êho peóti?" nií boosama. Naâ tohô niiká, misâ yi'tiátehere wâkû yuu tohaya. Naâre âyuró yi'tí me'rikâ'ya. Pûriro yi'titíkâ'ya. ¹⁶ Misâ Jesu Cristore êho peóse bu'iri âpêrà misâre yâ'âro uukahásama. Naâ uukahá'ke diakí hí niítikâ i'yârá, bopôyarásama. Tohô weerâ misâ âyuró niisétirâ, Ô'âkî hi i'yóropire bu'iri marirá ti'ó yâ'arâsa'. ¹⁷ Ô'âkî hi kîí iakâ maa, marí âyuró weemíkâ, âpêrà maríre yâ'âro wee boosama. Tohô weesé âyú nií'. Marí yâ'âro weeká pe'e maa, âpêrà maríre yâ'âro weeká, mari yeé bu'irita nií'.

¹⁸ Jesu Cristo marikâ âyugí niímigi, pi'etíwí. Kîí bu'iri moomígi, marí yâ'âro weé'ke wapare wêrí wapa yeé basawí. Marí bu'iri kioráre wêrí basagi tohô weewí. Maríre yi'riógi, ni'kátita wêriwí. Kîí tohô weesé me'ra kîí paki tirópi maríre wa'âta basiókâ weewí. Kîí bu'íkaha ipi waro maa wêria wa'âwí. Wêrí toha, be'ró masáki niíwi. Kîí ehêri pô'ra pûrikâ wêrtikaro niíwi. ¹⁹⁻²⁰ Kîí ehêri pô'ra me'ra kîí ipí masâ peepi kûyarí kura a'tîro weéki niíwi. Diporópi Ô'âkî hi a'ti nukúkâ mioká wêri'kârâ naâ bi'a dípó no'o'karopi niiráre i'yâgi wa'âki niíwi. Toopí naâre kîí wêri masasére werêgi ehâki niíwi. Diâ mioátoto díporo Noé yoaká yukí síhore a'mé do'ogi da'râki niíwi. Kîí tiwí weerí kurare kîí niíka terokâharâre Ô'âkî hi naâre êho peókâ íáki niímiwí. Naâ pe'e neé êho peótikârâ niíwâ. Noé, kîí nimó, kîí pô'râ, naâ nimosâ numia di'akí êho peókârâ niíwâ. Tohô weerâ naâ oitota tiwí me'ra yi'ri'kârâ niíwâ. ²¹ Ô'âkî hi naâre yi'ri'ókaro weeró nohota marí kê'rare Jesu Cristo wêrí masasé me'ra Ô'âkî hi yi'ri'óki niíwi. Ô'âkî hi a'ti nukúkâre miôgi naâre yi'ri'ó'ke maríre wamê yeese weeró noho nií'. Maríre wamê yeese marí ipiré ú'iri koesé meheta nií'. A'tîro nií'. Ô'âkî hi i'yóropire bu'iri marirá nií si'rírâ, kîíre akobohóse sêrisé nií'. ²² Jesu Cristo masáka be'ro kîí paki tirópi mihâaki niíwi. Ni'kâroakâre kîí wiôgi duhirí kumuropi niísami. Kîí nií pe'tirá bu'ipi, wiôgi niími. Ô'âkî hire weré ko'terâ, nií pe'tirá wiôrá i'miáropi niirâ yi'ri'óro niími.

Diporópi yâ'âro weemí'kârâ yâ'âro weé du'use kiti nií'

4 Jesu Cristo marikâ a'tí di'tapi niígi, pûuro pi'etíwí. Marí kê'ra kîí pi'etí'karo weeró nohota weerâ. Pi'etísere uítikâ'râ. Marí pi'etírá, Jesu Cristo wee tamúse me'ra nemoró wâkû tutuarâsa'. Yâ'asére weé si'ritirâsa'. ² Tohô weerâ a'tóka terore marí katisé nimiri ehâ tu'aro marí yâ'âro weé si'risere weesomé maha. Ô'âkî hi kîí iaró pe'e weerâsa'. ³ Misâ Jesu Cristore êho peótirâ naâ weesétise nohore weé tohakârâ niíwi. Yâ'âro misâ weé si'risere weékârâ niíwi. Numiâ me'ra yâ'âro weékârâ niíwi. Numiâ kê'ra imiâ me'ra meharóta yâ'âro weékârâ niíwi. Ke'ákârâ niíwi. Bosé nimi niiká ke'á, karíkúkârâ niíwi. Yâ'âro weesére yi'rió keheoká'kârâ niíwi. Apêyere Ô'âkî hi dutisére yi'ri ni'karâ, masâ yeé'kere êho peókârâ niíwi. ⁴ Ni'kâroakâre tee pehére misâ weetísa' maha. Too díporópi misâ me'ra yâ'âro weeséti'kârâre ba'pâti nemotisa'. Misâre naâ pihiká, wa'âtisa'. Misâ tohô weeká, "De'ró weerâ tohô weetí?" niísama. Teeré i'yârá, misâre i'yâ tu'ti, uukahásama. ⁵ Naâ tohô weemíkâ, a'teré masíya. Ô'âkî hi misâre uukahá tu'tiráre "De'ró weerâ yi'í pô'rare tohô weerí?" nií sêri yâ'agisami. Misâre tohô weé'kârâ naâ weé'kere besé no'orásama. Ô'âkî hi nií pe'tirá

wēri'kārāre, katirāre marí weesé nikire besegísami. Neê ni'kiré di'asomé. ⁶Nií pe'tirā masá wēri diha pe'tirāsama. Jesu Cristore êho peó'kārā pe'e naa yeé ipi boámikā, Ô'ākī hi tiropi katí nu'kukārāsama. Tohō weerā naāre a'ti nukúkāpi katiká, Jesu Cristo yee āyusé kitire werê no'okaro niíwi.

⁷A'ti imí koho pe'tiátotohō kā'roákā di'sása'. Tohō weerā misá weesére āyuró ti'ó yā'a ni'ko, weesétiya. Wākū tutuaya. Misá yā'áro weé sī'risere ni'kayá. Tohō weerā misá keoró Ô'ākī hire sērirása'. ⁸Nií pe'tise apēye noho yi'ríoro a'tíro weeyá. Diakī hí a'mēri ma'iyá. Neê a'mēri ma'í du'utikā'ya. Marí āpērāre ma'írā, maríre yā'áro weesére maata akobohósa'. ⁹Āpērā misa yeé wi'seripi ehaká, e'katíse me'ra naāre yē'ēya. Uasé mariró naāre a'mā eka, kārisé o'óya. ¹⁰Ô'ākī hi kīi tutuaró me'ra marí Jesu Cristore êho peórā nikire de'ró marí wee masísere o'ósami. Teé o'osé me'ra kīi yeére āyuró wee masí'. Teeré o'ôgi, ni'kāro noho o'ôtisami. Kīi o'ô'ke pōo tēoro āpērāre wee tamú dutigi o'ósami. Marí āpērāre wee tamúrá, kīi o'ô'kere keoró weerā weé'. ¹¹Ni'karérāre a'te nohóre o'ósami. Pāhará wa'teropi kīi yeé kiti werê tutuasere o'ósami. A'teré werērā, kīi werê'karo weeró noho werēya. Āpērā, wee tamúrá noho kē'ra Ô'ākī hi misāre tutuaró o'ô'karo pōo tēoro wee tamúya. Tohō weeká, masá “Jesu Cristo kīi wee tamúro me'ra tohō weeáma” nií, “Āyú” niírāsama Ô'ākī hire. Jesu Cristo tutuá yi'riami. Kīi nií pe'tirā bu'ipi, wiôgi niími. Tohō weerā marí kīi re “Āyú” nií nu'kukārā.

Jesu Cristore êho peórāre “Mehêkā wa'aká, wākū tutuaya” niisé nií'

¹²Yi'í ma'írā, apēye noho werê nemogiti taha. Misá Jesu Cristore êho peóse bu'iri yā'áro yi'rírā, “De'ró weero tohō wa'āti?” nií i'iyā mariatikā'ya. Teé misá pi'etísere wākū tutuará, diakī hita Jesu Cristore êho peóse i'iyó no'o'. Tohō weerā misá mehêkā wa'aká, i'iyā mariatikā'ya. ¹³Mehô e'katíya. Ni'kāroakāre misá Jesu Cristo kīi pi'eti'karo nohota pi'eti' siru tuurā weé'. Tohō weerā kīi opāturi a'tiká, kīi asistéserere, kīi tutuasere i'yārā, pūuro e'katírāsa'. ¹⁴Marí Jesu Cristore êho peóse bu'iri āpērā maríre yā'áro buhíkā'sama. Naā tohō weeká, marí a'tíro masí'. Espírito Santo tutuá yi'riagi marípire niími. Marí me'ra nií nu'kukí'sami. Āpērā maríre yā'áro weeká, wee tamúsami. Tohō weerā naā yā'áro buhíkā'mikā, e'katí no'osa'. ¹⁵Misá a'tíro wākúya. Wēhé kō'arāre, yaharāre Ô'ākī hi bu'iri da'régisami. Āpērā yeere uukahá wākū nírā kē'rare tohōta weegísami. No'ó yā'áro weerāre bu'iri da'régisami. Misá naā weeró noho weetikā'ya. Naā, naa yeé bu'iri pi'etírāsama. ¹⁶Apé terore misá Jesu Cristore êho peóse bu'iri pi'etírāsa'. Tohō pi'etírā, bopôyatikā'ya. A'tíro pe'e weeyá. Ô'ākī hire “Āyú”, niíya. “Mi'í ísāre Jesu Cristo yarā sāhaká weeápi”, nií wākū tutuaya.

¹⁷Ni'kāroakāre Ô'ākī hi masaré beserí nimi ni'ká toha'. Kīi re êho peórā me'ra besé ni'kami. Marí kīi re êho peórā me'ra ni'kaká, āpērā kīi re êho peótirā pe'e maa de'ró wa'aró wa'ārosa'. Ô'ākī hi naā maa ipíti bu'iri da'régisami. ¹⁸Diporópi Ô'ākī hi yee kiti werê mi'tagi teé pi'etisekāhasere a'tíro ohāki niíwi:

Ô'ākī hire êho peórā waro marikā i'mísepi wa'aátotohō
diporo a'ti nukúkāpire pi'eti' ni'irāsama yuhūpi.

Too pūrkāre kīi re êho peótirā yā'áro weerā pe'ere de'ró

wa'ârosari? Naâre yâ'â butia'ro wa'ârosa!
 Ô'âkî hi naâre bu'îri da'rêgisami,
 niiki niîwî Ô'âkî hi yee kiti werê mi'tagi.

¹⁹Marî Ô'âkî hi iaró noho pi'etirâ pûrikâ, a'tîro weeró iá'. Áyuró weesére weé nu'kukâ'ro iá'. Tohô niiká mari yeé niíatehere Ô'âkî hi marîre weé'kire wiaró iá'. Niî pe'tise kîî “Weegíti” niisére keoró weesamí.

Jesu Cristore êho peorâ a'tîro weeró iá' niisé niî'

5 Ni'kâroakâre maha Jesu Cristore êho peorâ si'orí niirâre werêgiti. Yi'í kê'ra âpêrâre si'orí niigíta niî'. Yi'í Jesu Cristo pi'etikâ î'yâwi. Kîî opâturi a'ti nukúkâpi a'tikâ, Ô'âkî hi niî pe'tirâpire Jesu Cristo asistésere, kîî tutuasére î'yogísami. Teeré yi'í kê'ra niî pe'tirâ kîîre êho peó'kârâ me'ra niî tamugisa'. ²Jesu Cristore êho peorâre si'orí niirâ, yi'í wereátehere ti'oyá. Ô'âkî hi kîi yarâre ko'tê dutigi misâre kûúki niîwî. Ovelhare ko'tegí kîi yarâ ovelhare áyuró ko'têsami. Kîî weeró nohota misâ kê'ra Ô'âkî hi yarâre áyuró ko'têya. Ápêrâ dutiró mariró misâ iaró naâre ko'têya. Misâ tohô weeká, Ô'âkî hi iasamí. Apêye kê'rare naâre si'orí wehê peorâ, niyêru di'akíre wapá ta'a sî'ritikâ'ya. Mehô pe'e e'katíse me'ra ko'têya. ³Naâre ko'têrâ, yâ'âro dutîpetikâ'ya. Naâre î'yâ kûu dutirâ pe'e, áyuró weesétiya. ⁴Tohô weeká, Jesu Cristo niî pe'tirâ masaré ko'terá wiôgi opâturi a'ti nukúkâpi a'tígi, misâre wapa yeégisami. “Áyuró ko'têwi naâre yi'í ko'tê dutigi kûú'kârâre”, niigísami. Kîî isâre wapa yeése niî nu'kukâ'rosa'. Kîî tiro, kîî asistéropi katí nu'kuatehere o'ôgisami. Teé neé pe'tisomé.

⁵Ma'mâ piha, nu'miá, a'tîro weeyá. Bikirá misâre si'orí wehê peorâre êho peó yi'tiyá. Misâ “Niî pe'tirâpita âpêrâ yi'rióro niî” niî wâkûtirâta, a'mêri wee tamúya. Diporópi Ô'âkî hi yee kiti werê mi'tagi a'tîro ohâki niîwî:

“Ápêrâ yi'rióro niî” niirâre Ô'âkî hi áyuró

wa'asére ka'mú ta'asami.

Ápêrâ “Yi'í mehô niigí niî”, yi'í re wee tamúya”

niirâ pe'ere Ô'âkî hi wee tamúsami,

niî ohâki niîwî.

⁶Ô'âkî hi tutuá yi'rigi niîmi niîrâ, kîî dutisére yi'tiyá. Tohô weeká, Ô'âkî hi kîî iarí nimi misâre âpêrâ wiôrâ weeró noho áyuró wâkuká weegísami. ⁷Ô'âkî hi marîre ma'ígi, ko'têsami. Tohô weérâ niî pe'tise marí wâkú ke'tisere, marîre no'ó mehêkâ wa'asére Ô'âkî hipire o'ôrâ. Kîî marí tohô weesére ye'êgisami.

⁸Misâ weesére áyuró ti'ó yâ'a ni'ko toharâpi weesétiya. Misâ yâ'âro weé sî'risere wâkú tutuaya. Áyuró ti'ó masíya. Wátî marîre î'yâ tu'tígi niî pe'tiropi a'mâ sihasami. Marîre yâ'âro weeká iági, tohô weesamí. Tohô weérâ ko'tê î'yâ niriya. Ni'kí yaí ba'asé a'mâgi pi'etí siharo weeró noho marí Jesu Cristore êho peósere pe'ó sî'risami. ⁹Wátî dutisére weetikâ'ya. Wâkú tutuaya. Jesu Cristore êho peó nu'kukâ'ya. Wátî misâ di'akíre yâ'âro weégi weetími. Niî pe'tirokâharâpi Jesu Cristore êho peorâre tohô weégi weemí. Naá kê'ra misâ pi'etiro nohota pi'etirâ weemá. Tohô weérâ wâkú tutuaya. ¹⁰Ô'âkî hi marîre ma'ígi, no'ó niiró wee tamú nu'kugísami. Kîî makí Jesu Cristo wêrisé me'ra marîre yi'rióki niîwî. Ô'âkî hita marîre kîî asistéropi kîî me'ra niî nu'ku dutigi beséki niîwî. Marí yoátikâ a'ti nukúkâpire pi'etí ni'irâsa' yuhûpi. Tohô weéka be'ro Ô'âkî hi marí yâ'âro

niiséti'kere apó ni'ko wākú tutuakā weegísami. Kĩî tohó weeká, marí neê uísome. ¹¹Tohó weerā kĩîre a'tíro niîrā: “Ô'âkĩ hi, mi'î niî pe'tirā bul'ipi, wiôgi niî'. Mi'î tutuasé neê pe'tisomé. Niî nu'kukā'rosa”, niîrā kĩîre.

Pedro äyu dutí tio'ke niî'

¹²Silvano ohâ basase me'ra yi'î misâre pehête a'ti pūrĩpire ohâ!. Kĩî yi'îre ba'pâtimi. Jesu Cristore êho peógi äyuró weesétimi. Tohó weégi kĩî keoró weeká î'yâgi, kĩîre êho peó'. Misâre wākú tutua, e'katí dutigi a'ti pūrĩre ohâ!. Tohó niiká Ô'âkĩ hi ma'isé diakĩ híta niî' niîgi, misâre ohâ!. Kĩî ma'isére masîrā, Ô'âkĩ hire êho peó yapatíkā'ya.

¹³A'ti maká Babilôniaakāharā Jesu Cristore êho peórā misâre äyu dutíse o'ôo'ma. Ô'âkĩ hi ā'rā kē'rare misâre weeró nohota beséki niîwĩ. Apí kē'ra Marco yi'î maki weeró noho niigí misâre äyu dutími. ¹⁴Misâ e'katíse me'ra a'mêri pōo tērya. Misâ niî pe'tirāre Jesu Cristore êho peórāre ehêri pō'rariپی Ô'âkĩ hi äyuró ti'ó yā'akā weeáto.

Toô kārōta ohâ!.

Pedro